

## Transkription von Urkunde HST 1400a

Ort, Datierung: Stralsund, 1400-09-01

Signatur: Stadtarchiv Hansestadt Stralsund, StU 0559 [\[online\]](#)

Inhalt: Rat der Stadt Stralsund: Rentenverkauf

Wý clawes zeghreuryd Arend van zvest Wulff wulfflam Gherd papenhagen / borghermestere Johan schulowe Johan van kolpen berend van dem rôde Diderik / schele clawes voghe Albrecht gherstendorp hinrik haghendorn Johan van der mole Jo/han volmershusen Arend poleman Johan osenbrügge Diderik hoghedorp Hinrik blû=/me clawes lippe Johan būrowe cūrd bisscop Berteld ku(m)merowe Johan kedīng vnde / gossalk wydenbrügge Radma(n)ne der stad stralessund vn(de) v(n)se nakomelinghe bekenne(n) / vn(de) betūghen an desseme breue dat wý hebbe(n) vorkoft deme wisen mane Otte jagheduuele / borghere tū Stetyn vn(de) wente he dat beschedet an zineme testamente eddir ghift , hundert / sundesche mark yarliker rente vor drutteyndehalf hundert sundesche mark de v(n)s de / zulue otte an guden sundische witten ghelde tū ener nūghe wol betalet heft vn(de) an v(n)ser / stad nut vn(de) behūff ghekomen zint vnde de hundirt sundische mark yarliker rente / scole wý vn(de) willen otten vorben(omeden) eddir weme he de beschedet eddir ghift gheue(n) tū twen / tyden in deme yare , veftich sundische mark tū sunte micheles daghe neghest komende / vn(de) de and(er)en veftich sundische mark vppe paschen dar neghest komende bynne(n) vs(n)er stad / stralessund sundir yenigherleye vortoch vn(de) hinder vn(de) voort alle yar vp de twe tyde vor=/screue(n) tū ener gūden nūghe Ok heft vs otte vorben(omede) van zīner eddir weme he dat besche=/det weghe(n) ghe ghunt dat wý eddir vse nakomelinghe moghen de vorbeno(mede) rente weddir / losen vn(de) wen wý dat dūn willen zo scole wý dat otten eddir weme he de rente beschedet / een half yar tū voren tūsegghen vn(de) vp den tūzichten dagh scole wý en bynne(n) vser stad / stralessund tū ener nūghe betalen drutteyndehalf hundert sundische mark an gūden / sundischen pe(n)ninghe alse / in v(n)ser stad ghenghe vn(de) gheue zint mit der rente de dar vor bo=/ren mach na tydtale vn(de) vthwisinghe v(n)ses breues Were ok dat otte vorben(omede) v(n)s dessen koop / wolde vp segghen dat scol he v(n)s ok een half yar tū voren tū segghen vn(de) zo scole wý em / houetscūl vn(de) rente betalen in allir mate alse hýr vorscreuen steýt Alle de vorscreuen / dīng loue wý deme vorbeno(meden) otten vn(de) weme he dat beschede . in gūden trūwen stede vnde / vast tū holdende zundir yenigherleye hūlperede vn(de) arghelist Tū merer bewaringhe vnde / groter witlicheyt der vorscr(euene) ding hebbe wý v(n)ser stad grote jngheseghel laten henghen an dessen breff gheuen vn(de) screue(n) na der bord v(n)ses he(r)n Crīstī in deme veerteynhundirdisten / jare des mitwekens na sunte Johannis baptisten daghe zīner vnthouinghe